

白川劉公奏議卷之三

懇乞

天恩議處入衛兵馬土兵宜練邊兵宜減兩全重鎮疏

准兵部咨該鎮守寧夏總兵官雷龍題前事該本部俱行
總鎮兵備等官查議去後尋該陸續議呈前來非膠柱而
鼓瑟即高遠而難行迄無至當歸一之論今該臣會同總
督侍郎譚綸議稱數年以來言官建白大率皆謂主兵當
練客兵當減軍數十上蓋累千萬言至以憲臣專司補練
之責十年於此矣今兵部復因給事中光懋與總兵官雷

龍所

白川考論 卷之三
題議欲以隆慶四年爲始罷去延綏客兵一枝併以量調民壯以備應援塲抽民丁以實軍伍酌罷臺工以節兵力以省多費

請下臣等熟計行之仰見

廟堂之於邊事務求庶謀僉同而不欲遙斷也臣等當未至薊鎮之先亦恒有言

朝廷之於九邊蓋均重矣奈何調各鎮之兵以從事薊昌至久而不罷於各鎮有徵發之勞在薊昌繁供億之費甚非計之得也故自受

命抵鎮之初即銳然以練兵爲已任必欲一振積弱而後已今當事二年講求區畫乃始得其梗槩非謂有兵而不練蓋欲練而無兵也不然練兵亦非難事即朞月而可何至議之十年而卒未覩成效乎臣等謹披瀝始末爲

陛下陳之昔我

太祖高皇帝驅胡元以奠區夏其幅員之廣東漸于海西被流沙視漢唐宋爲獨盛云故在東則以開平在東北則以大寧在西北則以宣大以固原延綏寧夏爲華夷大界所在開設重鎮屯宿重兵以備戰守而又衆建

親藩外示彈壓內資屏翰備禦之周無遺策矣而薊在當時蓋爲內邊焉所重者居庸紫荊山海三關而已唯時遣巡

關御史以董其事而不設鎮守繼雖設鎮守而亦不掛印
蓋緩之也故額設兵馬錢糧不及諸鎮之什一後至

成祖文皇帝始遷大寧都司於保定改封

寧王於江西盡舉大寧之地而屬之兀良哈于時胡運方衰
三衛諸夷畏威懷德且以內附為幸無有二心百數十年
頗資其藩屏之力然在

文皇三犁虜庭之時即嘗有言滅此殘虜惟守開平興和大寧
遼東甘肅寧夏則邊境可永無事矣如此則

文皇何嘗一日忘大寧哉但殘虜未滅而

三上賓興和大寧經略未竟其後虜勢漸強三衛漸弱竟至
與虜連和外

而後而薊遂多事矣防禦之計居然與宣大諸鎮相埒而
利害所關尤為迫切蓋一墻之越即直逼

神京震動

陵寢庚戌之事可為殷鑒使當時果然興問罪三衛之師復大
寧一鎮之舊則薊之為薊猶夫故也不然則遷大寧都司
於薊州盡復其兵馬之額不足則如吏科給事中鄭大經
所陳於沿邊州縣抽取民丁以補之又不足則從各省募
民以實之即不得如宣大二邊舊額之盛與三邊見今三
十萬之多但得及嘉靖三十八年查過宣大二鎮一十八

萬之衆則薊鎮之力蓋亦可以自支而何假以入衛爲也
乃審時度力俱不能矣是議調別鎮別省之兵以入衛
焉而又召募各營之兵以爲應授非故捐彼以爲此爲冗
兵與冗費也蓋緣薊昌二鎮原無額設重兵乃爲一切權
宜之計也近出下策矣合查各路額設增設之軍不滿六
萬而老弱逃亡亦在其數各營召募應援之軍在當時已
不能及原議之數今七營見在不滿一萬四千即使皆精
數亦止此而不盡然乎且總督鎮巡標兵又強半取給
於此此外惟有先後

請於京標班軍二萬與調取保河等衛遊兵一枝民兵一枝共
有一萬實在之數內如民兵一枝尚可練之以戰遊兵之
中挑取三千尚可資之以守餘則十不當一者有之百不
當一者有之驅之見虜必致敗事僅可以供修邊之後邊
臺既成之後教之相兼守臺而已夫以額設召募之兵數
僅止於七萬而內地徵發之兵又無足恃如此而又不資
於十枝入衛之兵與召募南兵則二千四百餘里之邊將
何所恃以爲固乎且以入衛之兵言之其初蓋十四枝遞
減至今始十枝耳中如大同二枝延綏寧夏三枝每枝又
遞減三百合十枝論之其逃亡事故又不下千五百人計
實在入衛之兵祇二萬七千人耳視舊直三之二且舊皆

拔其精銳今孱弱相半矣臣等於此蓋殫竭心力爲之設
重險繕利器練車戰廣召募多方以圖之卽能轉弱爲強
以集羣衆猶恐一時之功不足以爲久安長治之計必欲
爲久安長治之計尚欲懇乞

陛下大奮乾剛復大寧建

藩封處三衛絕外交聯絡宣遼以爲外藩而薊鎮仍深處於
內使

國家有重關之恃

宗社奠磐石之安乃爲上策卽不能然亦當

下之廷議心計也甲寅餉錢一萬馬必有畫一之規長久之
筭如臣等所謂不得如宣大三邊

三十萬之多亦當如嘉靖三十八年查過宣大一十八萬
之衆使之或戰或守皆不必仰給隣封亦不失爲中策乃
今以兵馬則或聚或散有如奕棊以錢糧則或與或不與
殆類乞糴已爲識者之所深憂而又議論紛然欲盡罷入
衛之衆不幾於慢藏而誨盜乎此臣等所以寧折腦塗地
不敢奉

詔也不惟盡罷入衛之兵不敢奉

詔卽兵部議欲自隆慶四年爲始減去延綏入衛官軍一枝臣
等亦竊以爲不可蓋薊昌之地其始分爲十區每區派有

容兵一枝以備截殺餘則擺守而已今若全減容兵一枝則薊鎮既缺一區截殺之兵而各鎮且不免相援爲例又將何以應之無已合無請乞

勅下該部再加查議將延綏寧夏固原入衛兵馬五枝內各減去五百名匹聽臣等以近日各標下新募之者之兵各就近補足其數照舊分區備禦如此則庶乎其可也以後年分如果本鎮應募有人亦照此例以次遞減但恐

畿輔之地人易資生塞上之役事當效死一聞召募響應無人仍乞

皇上軫念薊昌爲

朝廷第一重鎮原無額設兵馬聽各鎮入衛如故如此則不惟臣等之幸實邊疆之幸矣再照入衛兵馬原係分番故有一班在薊即又整糊一班候待必後班已到乃放前班前班抵家休息未幾而後班又望代矣今在薊鎮既減去兵馬五千亦非小補若更如近年入衛以弱卒羸馬僅求充數則於薊鎮爲有名無實而在該鎮爲徒勞無益甚非同舟共濟之義也伏乞

皇上勅下該部併議及之庶幾無務多而務精乃不寔失徵調初意也臣等又以錢糧言之目前薊鎮仰給戶部誠多矣然使在

國初之時果如他鎮有額設之兵則亦有額設之糧其在今日即可因糧以求軍何至紛紛以

請發爲也惟其軍糧皆無額設是以軍則取辦於各鎮糧則仰給於戶部雖有善者無所用其巧矣今惟即他鎮額設之糧與年例所發之數合而計之便可知其大略也但邇年以來以入衛之兵則日減於前而錢糧則日增於後若有求其說而不得者臣等又有以知其故矣蓋前此入衛軍民二兵其月糧工食皆取給於該省該鎮薊鎮不過支給行糧料草而已且每當兩防撤兵率有數月之間故客兵

雖多而所費却少至嘉靖四十二年而後因客兵漸成戰守乏人復議於總督鎮巡標下各增設標兵一枝隆慶元

年又議將督撫標兵皆全給行糧是各標兵行月二糧與

馬匹料草皆從前鎮全支錢糧歲增職此之故今既責臣等以補練之事客兵雖減而錢糧則又增矣此則諸臣與

本兵思議未及也臣等不得不詳言之以解群疑也但先今

既減去入衛兵馬一萬四千五百人則每歲連更番人馬共減去二萬九千所省沿途數千里之遠二萬九千人馬兩次往迴計五萬八千人馬行糧料草之費蓋亦係度支之數而歲免在途倒死馬匹亦不止二三千計又孰非府庫之財乎是以全體論之增於此即減於彼亦未爲不利

也以練兵脩工言之臣等謬以疎庸仰荷

任使誠寢食俱廢惟以禦侮爲務顧事有戰守而兵分強弱入
衛之兵誠強矣而弱不能戰者恒半之士著之兵誠弱矣
而強可教者亦三之一且等取其強而可教者合標兵練
之以待戰即其弱而不能戰者俾脩敵臺以待守此闔外
之事臣等籌之熟矣竊謂

廟廊所宜專任而責成之不宜從中制也自敵臺南兵言之
敵臺所以據地利遏勅敵制虜馬處弱兵易擺邊之謬爲
併守之策即韓范復生不能易矣南兵之調非專爲教自
銳也謂邊兵爲虜之積威所劫而南兵善戰又善守可以
爲北士之但此皆臣等焦心殫思之所爲今虜亦知二者
之足畏而顧欲臣等盡變其初說臣等蓋不容不腐齒折
舌而力爲之諍矣伏望

陛下俯從至謂欲將山東河南山西北直隸近鎮所在州縣僉
派民壯照里定數量幫軍裝行糧聽各兵備官督至境上
以備應援是或一道但嘉靖辛亥年間嘗募兵於此數處
百姓爲之騷然至今談及猶疾首蹙額且虜之來去有如
風雨傳報之事紛至沓來難於定執預調其兵至薊則繁
費尤甚於入衛之師聽其駐師本境又恐無濟於緩急之
事是以臣等未敢輕議

聖明裁察

隆慶三年十月二十日

以臣等以時

曾以總巡侍郎譚綸議照道方將領自主帥而下路將
兵標將稍殊標將主於應援當衝鋒破敵之重故重在驍
勇而綜理次之路將專守一方一切烽埃偵謀脩險撫夷
諸務悉以屬之故重在綜理而驍勇次之二者用之稍舛
則戰守難濟矣臣等訪得見任松棚路遊擊張惠鷲悍有
餘經理不遠洪山三提調之額軍有常守也乃空城而調
之皆不恤屬官之怨馬太二參將之標兵已處分矣又攘
臂而爭之遂大傷邊友之相持守憚於躬親則屬夷跳梁
立見撲捉之禍私衙急於營造則諸軍側目滋聞愁歎之

聲事體頗覺周章衆心漸已離去此一臣者相應更調別
鎮標遊之將以全器使者也又訪得延綏入衛遊擊張拱
立沉毅多謀忠誠任事無懈而戍遠塞甘苦真與士同
歷四防以當衝邊勦擒凶寇以身倡厲兵秣馬軍容擅列鎮
之雄繕堡增臺邊工得一路之最此一臣者材勇兼資堪
任路將之選者也伏乞

勅下該部再加查訪如果臣言不謬乞將張拱立改守松棚路
地方及照本官積有年勞或量陞叅將職銜以便行事張
蕙更調別鎮應用庶將材謀勇各盡其長而地方戰守均

爲有賴矣

隆慶二年十一月初十日

密雲糧不敷乞平

請以濟急缺支用疏

該總理密雲糧餉戶部郎中王以纁揭稱又該總理昌平糧餉員外郎吳哲揭稱又該總理永平糧儲郎中辛應乾揭稱等因各揭呈前來據此案照先為議處財用定經制以垂永久事該臣行據密昌薊永各兵備管糧官員會計隆慶三年客兵錢糧各除預發等銀外密雲該銀三十七萬八千八百七十八兩四錢五分五釐一毫七絲一忽薊州該銀一十八萬一千六百八十五兩七錢六分六釐昌平該銀九萬六百三十四兩六分六釐八毫七絲九忽永

平該銀一十萬九千七百三十餘兩俱連閏月錢糧會計
在內據經具本題

請其續

請發山東領班都司郝府京操官軍三千員名在於薊州地方
河南領班都司方鎮京操官軍一千八十四員名在於燕
河地方各防春山東領班都司徐岐鳴京操官軍三千員
名在於永平燕河臺頭營地方河南領班都司劉世恩京
操官軍三千員名在於三屯營各防秋原未經入會計之
內續該戶部題覆內開薊州鎮除預發銀一萬兩鹽引銀
一萬三千五百八十一兩三錢五分外該發銀一十八萬
一千六百八十五兩七錢永平鎮除預發銀一萬兩外
發銀八萬四千三百一十四兩九錢密雲鎮除預發銀二
萬兩外該發銀三十萬七千三百二十四兩五錢昌平鎮
除預發銀二萬兩外該發銀八萬兩題奉

欽依咨行在卷今據各揭稱前因該臣會同總督侍郎譚綸議
照薊鎮兵馬內除山東河南新

請京操班軍發鎮防春秋各二枝共計六千員名係是新增
其應支行程未經會計其餘各項人馬原俱在會計之內
人馬雖不免東征西調而錢糧即此增彼減即召募新兵
與處補匠役不無增添而通融那湊似亦可以支持今各

管糧衙門同辭告匱其說有五於會計數內不計閏月裁
 減數多一也補還借支年復一年二也各項估價先今貴
 賤不同三也警報不常撤兵之期比之先年每遲半月或
 二十餘日四也春秋京操三軍二枝未入會計之內而薊
 州永平二鎮輒以會計銀兩權宜支給五也所據密雲一
 鎮原會計數內裁減銀一萬一千五百五十三兩九錢有
 奇今欠用該補發銀五萬四千三百兩昌平一鎮原會計
 數內裁減銀一萬六百二十四兩零今欠用該補發銀二
 萬五千五百五十六兩三錢五分一釐一毫永平一鎮原
 補發銀二萬六千二百八十八兩七錢薊州會計未結
 以本處保河遵化兵馬支過永平銀八千餘兩留不扣還
 准抵加添兵馬之用外止該

請給續發班軍糧料銀九千七百兩及照前項補發銀兩雖多
 寡不同截長補短大約不出原日會計減發之外且內如
 山東河南秋兩防班軍二枝行糧料草原未入會計之
 數今亦在補給之內此軍原在京營亦支行糧料草取彼
 與此自非額外加增如此扣筭則補發之數亦不至甚相
 遠伏望

皇上軫念重鎮錢糧急缺

勅下戶部速爲查議上

請照數准發各管糧官運回接濟支用庶軍食可足而防守爲
無虞矣

隆慶三年十一月初九日

重城告完乞遵例優錄効勞官員以勵人心疏

據昌平道兵備僉事宋守約呈案查先蒙總督軍務曹侍
郎案驗具題議脩昌平舊城該本部覆題奉

欽依備咨前來已經督行該道會同總兵等官督脩去後今據
前因臣會同總督侍郎譚綸看得昌平設在

京師

陵寢之間密邇居庸黃花之境委係

畿輔之上游邊關之要樞也所據重修城垣包築完固既經
該道查覈明實并各該督工効勞官員分別前來相應照
例具

奏叙錄爲照鎮守昌平總兵官楊四畏合文武而同心視軍民爲一體軫修城之重務則量工命日身親護作之勞慮人力之不敷雖吏胥色役悉入徒庸之數經營僅以朞月成功可垂百年綜理極詳勤勞特甚所當首爲優叙者也整飭昌平兵備僉事宋守約心孚諸將義驅三軍飭備邊防則增臺繕堡居然成虎豹之關董振成工則修隍濬池屹焉壯金湯之勢網牖戶以陰雨

山陵之王氣常存鞏

皇圖于苞桑邊鄙之烟塵無恐功當與楊四畏併叙者也昌平州知州高尚仁政先保民守圖設險詳度費務則出納不爽乎錙銖審重事期則訶督無懈於終始人和與地利素興繭絲與保障並舉標兵營遊擊馬負圖永安營坐營畢英志在急公義能終事昇畚鍤以先士卒真有胼手胝足之勤歷山原以事斧斤薪甘同野宿風食之苦以上三臣均當敘錄以酬其勞者也伏乞

勅下該部查議上

請將鎮守總兵官楊四畏兵備僉事宋守約特加優賚知州高尚仁遊擊馬負圖坐營畢英各加敘錄以需推用其餘分管城工提調等官孫堂等容臣督撫衙門另行分別獎賞庶勤事者不虛勞而感恩者益圖報矣

隆慶三年十二月二十六日

以備懲勸其論薦之辭雖

得每歲防秋事畢臣等例將文

以備懲勸其論薦之辭雖

出見凡至不事之時

為時之功

守之固者

十四十五十六

尚通

尚文者

下用方一實砌一
以西斃工
十兩後
五七百金一
為難然幸文
且修且守亦
作精堅在各邊人命
雄兵十萬臣謹會同總督左侍郎謹給議照今歲舉刺直
當以此臺工為主庶計工程能不徒托之空言而人品才
識自難逃其定論但非分別差等無以壓服人心若不查
照原題事理

請乞

恩賚亦難責其後效臣等謂宜以春秋兩防俱在脩臺者提調
自六座而上主兵參遊都司自十一二座而上總副兵備
官自百座而上應列為第一等文職

請乞

加陞一級或官階不廿襲實職一級內有參遊官員春秋止二
防造臺亦至十二座而上又有人衛領班參遊都司官員
兵數本少而兩防造臺至八座以上者亦擬入第一等之
例以春秋各止一防脩臺提調自四座而上都司自六座

而上參遊自八座而上應列為次一等

請乞

一俾一級內有領班都司入衛參遊兵數不足但計每兵一千能完臺三座者亦宜擬入次一等之例其春秋兩防或春秋各止一防造臺雖不及格但計其所領之兵能以四百立百名完臺一座者亦

先加

候四年一內通叙其誤事者則行分別參論

徵

調官如果賢能早與者

北兵借補一刑一但與本防秋之亦應仿為以

勞內除三屯營保兵遊擊王通保河官遊擊史宸遵化營

標兵遊擊王廷政俱賢能任淺軍門標下中軍官暴以平

遵化標下中軍官原任參將張功與各營路千把總等官

武定所千戶趙一鳴等已經臣等獎勵及各誤事千把總

等官已經臣等戒飭者俱不敢瑣屑塵瀆

此外臣等謹查得總理練兵兼鎮守總兵官右都督戚繼光

與整飭密雲五兵備右叅政凌雲翼整飭薊州兵備右叅政

楊錦整飭永平兵備副使楊兆協守東路副總兵胡守仁

協守西路副總兵李春秋兩防共督完敵臺三百六十

六座內副總兵李...督完二百零一座副總兵胡守仁督
完一百六十四座半客雲兵備凌雲翼督完一百五十五
座薊州兵備楊...督完一百二十座永平兵備楊光督完
九十二座鎮守昌平總兵官署都督僉事楊四畏同昌平
兵備僉事宋守約春秋兩防共督完敵臺一百零五座又
查得分守橫嶺路副總兵楊...春秋兩防督造完敵臺一
十五座白洋口遊擊劉...春秋兩防督造完敵臺一十三
座分守居庸關參將孫...春秋兩防督造完敵臺一十三
座分守黃花鎮副總兵程九思春秋兩防督造完敵臺一
十二座昌平管遊擊張斌春秋兩防督造完敵臺八座分
守牆子嶺參將張臣春秋兩防督造完敵臺一十一座半
大同入衛遊擊張鐸春秋兩防督造完敵臺一十一座半
分守古北口參將朱紹文春秋兩防督造完敵臺一十八
座分守石塘嶺參將陳勛春秋兩防督造完敵臺一十七
座大同入衛遊擊趙忠春秋兩防督造完敵臺一十一
座分守馬蘭谷參將楊鯉春秋兩防督造完敵臺二十六
座半宣府入衛遊擊白添福春秋一防督造完敵臺九座
分守松棚谷參將...用遊擊張惠春秋兩防督造完敵臺
一十一座分守太平寨參將羅瑞春秋兩防督造完敵臺
二十一座遊擊入衛遊擊張拱立春秋兩防督造完敵臺

十座分守臺頭營叅將楊騰春秋兩防督造完敵臺二十
二座分守燕河營叅將史綱春秋兩防督造完敵臺二十
五座分守石門營叅將李信春秋兩防督造完敵臺二十
座遼東入衛遊擊劉澤春秋兩防督造完敵臺一十六座
渤海所提調程照在副總兵程元思下春秋兩防督造完
敵臺八座潮河川提調劉尚仁春秋兩防在叅將朱紹文
下造完敵臺八座白馬關提調或詒春秋兩防在叅將陳
勛下造完敵臺六座白羊口守備王平春防在古北口提
詢秋防在本口共造完敵臺六座羅入谷提調王經春秋
兩防造完敵臺六座內如兵備叅政凌雲翼楊錦副帥楊
兆僉事采守然則共分敵臺各竭忠誠屬重在草創

入衆難言心之日語調度別夙夜匪懈良工之心獨苦論

率作則險阻備嘗敬事之志彌勵又如鎮守薊州總兵官

戚繼光昌平總兵官楊四畏實心幹事銳志省成視險夷

則隆冬盛暑罔辭跋涉之頻課殿最即縷祈銖分務極擬

議之當善鼓舞而人風用命勤撫諭而衆不知勞又如協

守副總兵李超胡守仁職司訓練兼理工程酌緩急之勢

以事與衆是經畫之得宜搜影占之後盡入戎行雖然謗

而不避奔馳竟日勞瘁百端又如分守副總兵楊鏗程九

思叅將孫山陳勛張臣朱紹文楊鯉羅端史綱楊騰李信

遊擊劉戡張蕙入衛遊擊張拱立張鐸白添福劉澐趙竭
忠提調程照劉尚仁戴詔王平王經官有主客崇卑之異
而報

國之念推同兵有強弱衆寡之殊而勤事之心則一率捐俸
募匠斲所費何止百金咸與士共苦其勞可謂萬狀績
用攸成功垂不朽以上諸臣均當列爲一等以備陞錄但
查兵備右叅政凌雲翼敷歷最久才望茂著先以右布政
被誣謫官而來今公論已明勞蹟復著相應復其原官仍
加超擢藩子嶺叅將張臣素負鷹揚雅懷虎畧昔戰棒槌
崖賞未當功今守墻子嶺位不稱望相應量進副總兵仍
守本路以酬其功者也今緣事原任石門寨叅將李信止
歷一防獨造魏臺二十座於十四路功爲第一乃以父事
累入法網相應憐其才勇議其功過以責後效者也臣等
又查得石門寨叅將董一元秋防督造完敵臺十座山東
領班都司楊文秋防造完敵臺八座河間遊擊陳其可秋
防造完敵臺八座半領班都司嚴勳秋防造完敵臺八座
領班都司時天爵秋防造完敵臺六座河間遊擊張涇領
兵一千五百秋防造完敵臺四座又春防任橫嶺守備造
完敵臺二座曹家寨遊擊王旌秋防造完敵臺四座又先
任河間遊擊春防造完敵臺三座半以上諸臣咸懷忠耿

各盡實心或潔已以撫士而一塵不染人皆感恩而思奮
 或捐資以犒軍而百工競勸臺故及時以早成相應列為
 次一等以備陞俸內叅將董一元歷任已踰三年例當別
 陞階都司楊文先因降為總旗充為事官推補領班尋
 以力陞副千戶今所造八座規制壯麗迥異尋常似應改
 都指揮僉事職銜都司嚴勳領班四載更歷八防奉
 職有功無過似應遇缺量行推用者也又查得鎮邊
 守備胡忠春秋兩防在副總兵楊鏗下共造完敵臺五
 伊嶺城千總趙棟春秋兩防造完敵臺四座保定營忠
 都司何天爵春秋兩防督造完敵臺六座入達嶺守備
 秋兩防造完敵臺四座鞏華營遊擊李時秋防造
 完敵臺四座原任本營遊擊高仲安春防造完敵臺五座
 保定營忠順遊擊馮登秋防造完敵臺四座黃花鎮守備
 本世臣春秋兩防造完敵臺四座寧夏營入衛遊擊崔桐
 秋兩防造完敵臺五座半墻子嶺提調王祿春秋兩防
 造完敵臺四座鎮虜營提調張應時春秋兩防造完敵臺
 四座定州營原任都司吳增貴春防造完敵臺三座半原
 任遊擊左棋春秋兩防造完敵臺三座半原任曹家寨遊
 擊張廷賞春防督造完敵臺四座提調甯潮春秋兩防造
 完敵臺五座延綏入衛遊擊楊經秋防督造完敵臺五座

領班都司林棟秋防督造完敵臺四座領班都司今陞任
 張銘春防督造完敵臺五座古北口提調潘一麟秋防施
 參將朱紹文下造完敵臺四座延綏入衛遊擊高如桂春
 秋兩防督造完敵臺五座山東都司戚繼美春防造完樣
 臺三座原任遊擊丁添福秋防造完敵臺二座寬佃谷提
 調汪政春秋兩防造完敵臺二座黃崖口提調康樞春秋
 兩防造完敵臺二座半原任將軍石提調今陞總理練兵
 坐營官謝惟能春防造完敵臺三座新任將軍石提調徐
 槐秋防造完敵臺二座半宣府入衛遊擊劉付秋防造完
 敵臺六座原任喜峯口守備今陞軍門標下遊擊王祿春
 防臺元以臺二座新任喜峯口守備楊秉中秋防造完

臺二座定州營陞任遊擊胡懋功春防造完敵臺四座新
 任遊擊王登秋防造完敵臺六座固原入衛遊擊王紹勳
 秋防督造完敵臺六座分守山海關參將莫如德秋防督
 造完敵臺二座河南領班都司葉鎧秋防督造完敵臺四
 座桃林口提調劉坤春秋兩防造完敵臺五座一片石提
 調李宗召春秋兩防造完敵臺三座大毛山提調張糾秋
 防造完敵臺二座以上諸臣或念其遠軍入衛而量減臺
 工或因其步軍數少而照軍派臺故臺數雖不及格而勞
 蹟則咸可嘉所宜列為二等以備

賞賚待其四年工完再行通敘但內如入衛遊擊楊經高如桂
劉付王紹敷崔桐綽有智謀均懷勇畧咸從他鎮入衛畧
無彼此之心領班都司戚繼美當臺制未定人心觀望之
時首事脩建極其堅精以爲諸路之倡此六臣者所宜遇
缺推補參將遊擊之任者也臣等又查得界嶺口守備谷
承功才節相合謀勇兼資改官極衝之邊絕無怨言又能
力終其事併任兩關之賞曾無難色亦且耻言其功防虜
則色色俱備處事則井井有條榆木廣提調王軫器識閑
雅才幹精練愛士真如嬰兒卽久遊之敵卒悉還營伍治
邊猶如治家雖久荒之屯地盡成膏腴建白綽有千言
並無一玷大安口提調陶世三忠義求爲古人濬
如寒士筆敏夜納班之例夙蠹頓清嚴邊城瞭望之規
夜不懈築臺則胼手胝足三軍感其苦之同持身而羸
敝衣一路起廉能之譽大水谷提調章廷廉生長南方孰
諳邊務地利之險夷若燭照於胷中虜情之向背如親得
之境外稽查虛冒行伍之積弊頓除整飭備禦墩臺之戍
守最密允爲有用之才可備干城之寄以上四臣所當特
薦以備拔擢而登工非所論也又查得居庸關管關通判
法暉霸州同知今陞遵化管糧通判王建永平府同知賀
濂通判趙無咎張文襄專司出納而料價之支放以時督

理工程而往來之勞苦特甚若王建則建明獨多嫌怨弗
避若賀濤若法暄若趙無咎張文襄則調度咸當樽節得
宜以上五臣所當併薦以備

恩資者也及照霸州兵備副使宋豫卿志在有爲才堪任重治
郡以循良報最東人懷去後之恩備兵以保障爲先黎民
有來暮之嘆正已以率其下貪黷爲清弭盜必塞其源行
旅無病此一臣者若無與防秋之事然補軍給食保境安
民例得並薦者也密雲標下領左哨參將李如楨久歷戎
行熟諳戰陣軍中之賞罰嚴明足稱節制塞上之風霜備
歷懋著威名恂恂貌狀有類儒生耿耿忠誠何慙虎將振
武武亦將蔡勛忠信廉潔練達老成持重而綽有機謀彼
也也畫素定仁勇而畧無誇詐上下之心志成乎無忝

以衝之才足當一面之選遵化營遊擊閻璿久歷邊方暢
達戎務撫軍則召補者已踰四百共懷挾纊之恩養馬則
倒損者不滿數十綽有騰槽之氣倉卒當屬夷之變兩成
過絕之功馳驅備東西之援具著防禦之績助臺則建昌
之採辦獨多修城而遵化之下築爲最昌平營標兵遊擊
馬負圖年力强盛姿性驍勇厚撫部軍則重懲剝削之弊
而衆無饑色加意馬政則嚴禁草料之尅而槽有騰驥節
制分明旌旗因之變色器械犀利戰守於焉有資宣府獨

石路參將麻貴清慎能勤勇敢多智長於料敵動能得乎
虜情善於用人咸肯盡其死力於薊鎮而哨報甚明在本
路之經畫可想以上諸臣雖無異於修臺之事均有裨於
秋防之後所當併薦以備循資擢用者也臣等又查得義
院口提調李慕見利必趨谿壑之慾無廢望塵下拜草脂
之術尤工科放實墮下每名索銀三兩扣撫賞木價每歲
坐取百金物議今已泐騰法令漸成廢墜雖臺工苟完而
衝關非據此一巨者相應罷斥者也石峽谷守備白守廉
資性寬柔才識庸劣撫馭無術而軍多逃亡法令不張而
事成叢脞臺工數少而僅完營房久脩而未就即操守未
壞何補邊防而年力猶強直堪器使冷口提調劉從武驍
健有餘操守無議但性多嫌忌心復顛蒙抗螳螂之臂以
觸上官則禮法陵夷懷鬼蜮之奸以傷善類則怨言叢集
縱屬夷撲殺軍人曷道典守之罪致客兵耽延臺料殊非
其濟之心龍井兒提調李從善才本中人任當衝地邊務
蝟集委於馳驅之弗前日惟涕泣以自廢屬夷雲屯苦於
撫賞之弗繼任其撲捉以爲姦此三臣者雖修臺之功難
以盡滅而繁劇之地終非所宜所當更調別用者也河南
領春班都司以都指揮體統行事署指揮僉事王邦憲山
東領秋班都司以都指揮體統行事署指揮僉事徐岐鳴

但知舊套未變習心谷深指於常規威令爲之不振初無志於遠到修守所以無功但履官未及一年少壯尚堪鞭策此二臣者所宜降充爲事官員仍聽領班以責後効者也如蒙伏乞

該部再加看詳如果臣等所言不謬逐一議擬上

爲總兵官戚繼光楊四畏

共參政楊錦副使楊兆僉事宋守約各加陞職參政凌晉異復甘原官仍候超擢協守副總兵李超胡守仁分守

總兵相鐘程九思參將孫山陳勛朱紹文楊鯉羅端史

竭忠守備戴詔提調程照劉尚仁王平王經各陞不世襲

實職一級參將張臣量進副總兵李信查其原犯從公勘贖遊擊陳其可張涇王旌都司嚴勳時天爵各陞俸一級內嚴勳仍遇缺推用參將董一元候臣等查例另

題陞職爲事官楊文進以署職領班入衛遊擊楊經王紹勳崔桐高如桂劉付都司戚繼美各循資擢用仍與參將胡懋功莫如德遊擊李時馮登王祿王登張延賞高仲安丁添福左棋都司何天爵吳增桂林棟張銘葉鎧守備胡忠王陽李世臣楊秉中提調王祿張應時寧潮潘一麟汪政康樞謝惟能徐槐劉坤李宗召張糾千總趙棟先加

賞賚待其四年工完再行通敘守備谷承功提調王軫陶世臣
張延廬遇有叅遊員缺破格推用同知賀濤通判法暄王
建趙無咎張文襄併加

賞賚副使宋豫卿轉行吏部優錄叅將李如楨叅勛閻璿馬負
圖麻貴待其積有年勞循資擢用提調李養罷斥守備白
守廉提調劉從武李從善更調別用都司王邦憲徐岐鳴
各降充爲事官仍舊領班如此則賞罰明而人心思奮邊
備肅而虜患不足虞矣

隆慶三年十二月二十日

欽奉

聖諭疏

准兵部咨稱隆慶四年正月初八日該司禮監傳奉

聖旨說與兵部畿輔近邊地方武備廢弛已久近來言者都詳
於外而畧於內豈是死全之計你每便悉心詳議凡可以捍
外衛內者着實修具來行欽此欽遵隨該本部條議內一款
一更置守令臣等議得郡縣守令爲一方之師帥而

畿輔近邊守令則民兵錢糧城堡器械悉屬總理較之腹裏
迥不相同若守令不得其人則志欲有爲者或拘於才識
之弗逮守有可取者或限於年力之向頽如此而望其修

舉廢墜以收安攘之效得乎合無備行總督撫按官將所屬近邊府州縣掌印官公同甄別等因題奉

聖旨這所議着各該撫按督率兵備等官着實舉行欽此欽遵備咨到臣准此隨經通行各兵備道查照酌量甄別去後續據薊州等道兵備等官楊錦等各開呈到臣該臣會同巡按御史房楠議照順永二府地方如涿州霸州良鄉固安永清武清東安房山鄆縣文安大城保定等州縣雖稍涉腹裏然西連紫荆北通古土虜患叵測難以怠備如永平府薊州通州昌平州灤州撫寧盧龍遷安樂亭昌黎遵化豐潤玉田平谷三河密雲順義懷柔香河寶坻等府州縣一應修城繕械團練收保等項悉屬有司官員總理倘非其人曷克有濟臣等再因參酌除大興縣知縣申嘉瑞宛平縣知縣馬登龍係在

京城署通州事河間府同知劉耀武署薊州事保定府同知王明汲署房山縣事通州知州李琮署灤縣事涿州知州王登已經題

請加銜俱不必更置外看得永平府知府劉庠資望並深勛猷獨著留心保障則境內之城池足壯金湯加意邊陲則閭外之經綸尤堪帷幄士民皆已歸心將吏固不仰德此一

臣者雖經保留相應超格加銜以需大用者也霸州知州
 田可徹涿州知州馮覲昌平州知州高尚仁固安縣知縣
 馮子履遵化縣知縣王宣化大城縣知縣趙德光撫寧縣
 知縣李一本密雲縣知縣賈濂昌黎縣知縣張存智王田
 縣知縣牛鱗良鄉縣知縣安守魯東安縣知縣劉枯永清
 縣知縣胡來縉懷柔縣知縣蔡孔洋豐潤縣知縣余乾亨
 雖資格不同才調各異然志皆向上雅多清白之風政各
 宜民無忝循良之吏以上諸臣相應久任責成俟其積有
 年勞另候徵擢者也原任文安縣知縣今調遷安縣知縣
 趙雲翔先任懋著賢聲新調輒多偉績與夫盧龍縣知縣
 楊學臣
 任以觀後效者也查得武清縣知
 縣
 任但該縣水陸交衝盜賊紛起見今
 內尤係之虞番處之地向原任用非人以致縣事漸廢訪
 得實地縣知縣劉不息守能苦節才更通方節約供億之
 洋費小民之困敝以蘇嚴查庫藏之侵漁積年之姦伏俱
 發處事則案無留積聽訟則獄無冤民此一臣者相應更
 調武清縣以竟其才猷者也又訪得灤州知州崔柄外貌
 頗揚中藏實陋攬詞訟而結年未結偏視聽而近習愈橫

刑獄定於吏胥致有指稱之弊火耗加於庫後不無納戶
 之嗟仁柔素貌於同僚政令不行於屬邑平谷縣知縣樊
 拒優柔之性庸鄙之材鞭朴徒勤無補錢糧之侵欠簿書
 日積竟為胥吏所欺瞞馬政荒而寄養者日多倒損刑法
 濫而桎梏者歲在囹圄雖履任未幾事體難責其周知而
 心地則昏政務終難於振作此二臣者不堪邊任相應改
 調腹裏偏僻地方以全器使者也及查香河縣知縣萬通
 陞蘇州府同知順義縣知縣盧漸陞都察院都事文安縣
 知縣李邦佐近丁母
 喪
 是聖朝調遷安縣知縣樂亭縣知縣李邦佐近丁母
 喪
 缺官日久如
 是行鈇補者也

可徵等知縣此聖朝等俱令久任寶坻縣知縣
 調武
 知府劉序破
 加銜知
 州崔柄平谷縣知縣樊
 員缺查選用科或將附近才
 而安攘不患無
 隆慶
 五月

保留給由兵備官員以安

畿輔重地疏

據昌平兵備山東僉事宋守約呈稱三年任滿例應預呈
給由云今據前因除批行本官遵例奏謝牌冊先令帶
俸管事聽候該部再加考覈施行外臣會同總督侍郎譚
綸巡按御史房楠看得僉事宋守約精練才猷剛方氣節
掣肘當

京

陵之會而任勞任怨操制惟見其從容執掌於戎馬之場而克
愛克威駕馭一隨其指使抱萬年

宗社之慮共成千里之金湯周一方桑土之謀並建重城之保
墮人心久而愈屬聲望今已獨隆茲任滿三年別無違礙
例應給由但本官所轄地方迺

伏乞

陵寢重地一應團練修守事宜悉賴經理俱有成效相應保留
勅下該部再加查議合無將本官仍留照舊管理昌平兵備事
勿將任內歷過事蹟照例造冊送部查考如果資望勞

該敘錄再乞優擢施行

年三月十七日

議設守備官員以專捕盜以靖地方疏

據霸州道兵備副使宋豫卿呈照得本道所屬地方東自
崔黃口起至涿州西止北自草橋起至文安縣南止各相
距三百餘里分爲三路東路設有崔黃口守備一員專一
防護漕河西路設有涿州守備一員專一巡緝良涿惟中
路東至涿州縣武清南至東安永清西至固安北至海子周
圍五百餘里中間地多曠林木茂密盜賊易於潛藏民
商苦其劫掠等因又據永清縣申稱查得東安縣所轄地
方亦屬曠野之故治令其城堡尚有草皮雜處大約二
百餘家此地適中堪設管兵巡緝等因合無於舊州設立

守禦衙門就於本道所屬衛所揀選謀勇出衆不拘指揮
千百戶一員帶銜住劄仍於合屬州縣僉選弓馬熟閑者
一百餘騎照依快手事體編貼責令本官統領常川在彼
往來盤緝以弭盜賊及勘舊州正居周圍折中且鎮集之
地原有土堡堪設守備駐劄又擇地基在於西門內大街
坐北向南空地約有三畝餘可以建立衛宇若令官兵駐
劄於此則易於四發而捕獲不難罕凶備呈到臣今據前
因該臣會同巡按御史及補議照舊州道所屬地方北拱
神京南達諸省水陸交衝舟車輻輳以故盜賊縱橫稱淵藪焉
向設有涿州守備以防西路崔黃口守備以防東路游徼
往來地方頗靜惟中路遼闊凡四五百里中間不絕之徒
恣意爲盜而餘黨則窩藏指送造意分贓日薰月染渺無
良民且其地多勳戚莊田監苑公署官校舍雜居錯處
盜發則難於捕索盜逸則易於潛匿致使

輦轂之下鷄犬不寧道路爲梗此誠非巡檢千百戶之力所能
鈐制亦非東西二守備之兵所能兼管也所據該道議稱
比照涿州崔黃口守備事例要於適中去處添設守備一
員駐劄舊州專一管轄捕盜事務一切兵馬供應俱已議
處停當以於弭盜安良之計有所裨益既經該道議呈前
來相應題

請伏乞

勅下該部再加查議上

請定奪如果可行速賜推選謀勇官員充任舊州守備與鄯縣
東安武清永清固安等五縣各照依前議地方分隸管轄
專一巡捕定擬責任給劄遵照行事其所割武清衛并各
該縣分巡司守備應撥快壯弓兵箭手及本官住坐衙舍
與夫供應等項并責任事宜悉如該道所議施行

隆慶四年三月十九日

總乞

聖明申飭種樹之議以固疆圉以圖永賴

據密雲道兵備右叅政凌雲翼平道兵備副使楊兆昌
平道兵備副使宋守約各呈稱所屬栽過楊柳等樹種過
桃杏等種子數目完報到臣臣看得種樹一策委係防邊
要務是故林木翳翳兵家目爲天羅戒令勿近蓋匪獨可
爲張疑設伏之資實可以益山川掛絕之險也乃今臺工
方興兵力寡少不得已暫撥標兵一枝量摘主客官軍各
數百人與同城操民夫相兼栽種計興工以至竣事纔一
月有餘共栽過雜樹九百三十四萬四千一百四十九株

種過核種一百九十九石八斗四升且萌芽已生枝柯漸
長中間雖不無一二乾枯然實無損於今報額派之數日
滋月息當鬱然成林御史房楠所謂有七利無五難者端
在此矣除昌平道係隸

禁地栽種無多及各該効勞千把總經歷等官臣等徑自分
別犒賞不敢槩舉及查原解樹栽銀餘剩之數仍收在庫
候來春補栽樹株犒賞應用外所據前項占用過軍民地
畝錢糧應與除豁及提調以上効勞官員相應薦獎以勵
人心看得薊州道兵備右叅政楊錦永平道兵備副使

兆密雲道兵備右叅政凌雲翼報

國壯猷籌邊遠畧軍名不滿三千而種樹動數百萬真啓處
之未逞興工僅以旬月而林木卽徧山川何成功之甚速
易莫爲險足伐狂虜之謀治

國猶家永利邊關之守此三臣者功當優敘者也協守東路
副總兵胡守仁分守牆子嶺副總兵張臣馬蘭路叅將楊
鯉松棚谷遊擊張拱立太平寨叅將羅端石門寨叅將董
一元燕河營叅將史綱石塘嶺叅將陳勛三屯營標下遊
擊王通保河遊擊史宸署古北口叅將李原任遊擊張延
賞巡撫標下遊擊孫朝梁曹家寨遊擊王放宣府入衛遊
擊張士義恪奉簡書勤勞

王專築臺繕堡方夙夜為保障之圖度地乘時又往來督種
植之役此數臣者功當併敘者也界嶺口守備谷承功遵
化守備任良相永平守備李清薊州守備王汲懷柔守備
賈陳策三河守備趙應時密雲守備管達幹白馬關守備
戴詔喜峯口提調楊秉中洪山口提調薛經大安口提調
陶世臣榆木嶺提調王軫擦崖子提調張紹芳羅文谷提
調王經寬佃谷提調汪政黃崖口提調陳世爵將軍營提
調徐槐青山口提調伍潮桃林口提調劉坤董家口提調
孫光祖曹家寨提調甯潮古北口提調潘一麟潮河川提
調劉尚仁石塘嶺提調章延廩牆子嶺提調王祿鎮虜營
調張應時志切防胡

該部查議將楊錦等切守仁等並行優敘谷承功等徐致

擢用者也伏乞

以功則需用已久委任屢劾仍當附記在簿已備量

用川以數臣者勤勞尤以應優賚內徐致中周學先

之勞近取遠水克殫馳驅之力樹藝之法既備防護之

心如沛川火災各憐自共分猷念極風沐雨不懼

建永平管餉通判

原任

險出

調王祿鎮虜營

中等通加優賚徐致中周孚先徐枝孫昂仍附記在簿遇
缺量才推用及將各路種樹占用軍民田地一應差糧盡
與除豁仍行臣等轉行各該道府州縣衛所關管遵照施
行再照薊鎮高邊原係屬夷為藩籬林木為險阻故臣等
奉到

勅書育重栽樹撫夷一事今屬夷反後既不可恃而邊山林木
又濯然一空然則補種之役委不容已但林木不繁則力
不厚責成不立則事不成合其容臣督同各道每年春日
及大雨時行之日漸次加種中間查有乾枯者通行補栽
三年終撫按衙門將種過補過樹數造冊奏

限可成矣

萬曆四年四月二十七日

卽事效忠再飭春防大計以慎固圉事

准兵部咨該本部題職方司案呈奉本部送兵科抄出巡撫宣府都御史王 題內一欸欲將更番入衛薊鎮遊兵一營行令發回留備本鎮候薊鎮的有警急與正奇等兵一併入關接剿查得本年入衛兵馬已經薊鎮軍門分布防守各有信地遽難議撤合無備行薊鎮督撫官勘議停妥咨報前來以憑議覆等因煩奉

欽依備咨到臣該臣會同總督侍郎譚綸議照薊昌二鎮先年分爲十區每區俱派入衛客兵一枝以備截殺宣府入衛遊兵一枝向分布在馬蘭谷防守其來已久非創始自今

矣今宣鎮之所謂南山卽指薊昌二鎮邊牆而言也宣鎮之所謂南山乃所以重

京

陵卽薊昌所謂守邊城卽所以守

京

陵也今若裁減宣鎮衛兵一枝則馬蘭一區缺軍截殺而馬蘭將不守矣馬蘭一處不守則全鎮爲之騷然而

陵京亦不免於震動宣鎮南山之重亦徒託之空言而無益矣此其不可一也況薊鎮入衛之兵其舊蓋二十枝遞減至

今乃十枝耳而數又不足三千於內如延綏三枝則每枝

僅一千二百人寧夏固原大同四枝每枝各二千五百人

耳邇年以來又各紛紛議罷而事難必從今更使近者罷去則遠者安能但已而薊鎮二千四百餘里之邊將何以爲守乎此其不可二也伏望

皇上軫念薊鎮爲全邊第一重地

勅下該部將宣鎮遊兵一枝入衛如故仍執爲一定之議以便遵守免致搖惑人心如此則

畿輔幸甚臣等不勝幸甚

隆慶四年五月二十四日

謝

恩疏

先該總督譚綸同臣會

題各路主客將領等官修築空心敵臺勤惰賞罰緣由該兵部覆議再照前項工程奔走服役固諸臣各效其能而任怨任勞實督撫專任其責今各官既議陞賞則譚綸劉應節似當更加優賚奉

聖旨譚綸賞銀三十兩紵絲一表裏劉應節二十兩隆慶四年六月二十五日該禮部順差百戶鄭廉齊捧

欽賞銀兩到臣除望

白川奏議 卷之三
四二
闕叩頭謝

恩祇領外伏念臣猥以駑鈍待罪疆場頃緣虜患頻仍邊防未固不得已會同總督謹給議建附牆敵臺期爲一勞永逸之計顧茲修守之役實臣職分之常廼蒙我

皇上軫念微勞

寵頒厚錫臣感

恩白

天圖報無地惟誓竭犬馬少答涓埃而已臣下情無任感激屏營之至

隆慶四年六月二十九日

比例

請計鹽糧以裕邊儲疏

據永平道兵備副使楊兆呈照得薊州一帶鹽引盛行邊儲日裕永平地方實與接境似亦可行伏乞俯查本道前呈轉咨戶部加添勘合庶便報中據此已經移咨本部請給勘合去後未准給領今永平兵備道副使楊兆會同永平鎮管糧衙門欲要比照薊州鎮事例開中鹽引一節爲照召商中鹽本係實邊至計向緣召致無法姦弊叢生不惟商賈失望且致窮邊下邑召買艱難坐失飛輓之利今薊州兵備及管糧郎中銳意舉行輒收明効所據永平鎮

比照開納無非多方理財求濟邊餉之意相應題

請伏乞

勅下戶部從長查議將淮浙長蘆山東等處鹽引除坐派各邊
開中外倘有坐派未盡餘剩之數不拘常股存積酌量分
發永平鎮若干引照依時估定擬斗頭斤重合用勘合該
部差官前去南京戶部關領前來預發該鎮管糧郎中收
掌召商上納本色糧草分貯緊要城堡倉場專備客兵支
用仍乞明開候召商報中糧草上納在倉之日聽該道會
同管糧郎中覈實呈報之後准抵某年應發額餉之數庶
邊儲可充其於

國計亦少有裨矣

隆慶四年七月初八日

孝行感產芝瑞懇乞

天恩特賜旌表以彰風化疏

據永平道兵備副使楊兆呈據遷安縣儒學廩增附生員
楊汝繼等呈稱生員楊騰心地端醇性天孝友孩提失艾
賴母氏以劬勞齟齬無依承慈顏而效順動無違訓志尤
苦學母常患目疾失明逐日以舌舐而愈後復卧病幾殆
顯天以身代而痊節蒙提學謝御史徐御史有花紅迎送
牌扁懸門之獎及蒙本府聞知府有准列郡志以勵孝風
之批輿論同歸衆心允服近於隆慶元年十二月間母以
老疾告終騰復哀毀踰禮幾不存生既葬廬於墓側朝夕

白川奏議 卷之三
哭奠飯粥飲水無異初喪枕塊寢苫不以久怠隆慶三年
七月間於廬墓處所地產靈芝大小四本俱紫黃色各方
圓一二尺不等孝行感格事出非偶呈乞照例奏

請建立坊牌以勵風化等因具呈到臣據此案照先具該府申
稱前事已經案仰該道結勘去後今據前因臣會同巡按
御史傅孟春看得生員楊騰真純事母素行已孚於

神明仁孝格

天瑞應遂昭乎靈異足占

聖世德化之徵真可爲民風彝教之助也既經該道覈勘無異

且與先年該縣孝子韓瑛廬墓產芝曾經具
奏表揚事例相合伏乞

勅下禮部查議合無將孝子生員楊騰照例奏
請建立坊牌表樹其門以勵風化施行

隆慶四年六月初九日

水患災傷重大懇乞

天恩俯賜蠲恤以安地方疏

據朔州道所屬永清保定等縣薊州道所屬玉田等縣密
雲道所屬通州三河等處昌平道所屬順義縣永平道所
屬遷安等縣各申稱隆慶四年春夏間亢旱至六月初四
連日大雨水災禾稼滄沒民居衝蕩申乞題

請蠲恤等情據此除批行各道速行委官踏勘分別輕重分數
另報外臣會同巡按御史傅孟春印馬屯田御史謝廷傑
議照順永二府地方係

畿內根本重地連年災患頻仍民貧徹骨疲病者未甦流移

者未復乃今曠乾之後繼以水災一切漂溺衝決之害較諸上年爲尤烈糶糶子遺之民復何所恃以自立恐其勢不展轉而爲殍必將嘯聚而爲盜密邇

輦轂萬分可憂是皆臣等奉職無狀上干

天和所致除臣等痛加修省及通行所屬查議採荒事宜另行外所據一應蠲免賑恤等項相應題

請伏乞

勅下該部查議合無仍行臣等轉行各兵備道將順永二府所屬州縣衛所關管通行踏勘但被水患災傷去處將隆慶四年分夏稅秋糧屯種馬草等項分別分數破格蠲除其各

官莊馬房子粒等項錢糧被災分數亦照民田則例遞爲減免中間被災獨重不能自存者查動倉庫錢糧通行賑恤庶民生之困憊少蘇而地方意外之虞可無作矣

隆慶四年七月十七日

欽奉

聖諭疏

據薊州兵備帶管霸州道右叅政楊錦呈案照先蒙臣案
驗准兵部咨前事該本部題內一款修繕城堡看得河西
務素稱大鎮虜必垂涎之地合備行順天巡撫都御史速
行兵備查勘修築之費備咨到臣該臣看得該道所議處
置已悉但工費浩大

帑藏空虛查得臨清楊州築城等項給於本處商賈之力今
河西務舟車聚集視臨清等處不減已經批仰該道再委
王知州等拘集各商或令量力分工或令捐資助費速報

去後續據該道覆呈行據知州王登知縣龐賢等親詣河
西務會同拘集徽州等處各行各商楊雲等到官多方勸
諭各情願捐資共出銀七千餘兩又據經紀金岳等稱稱
本務稅課局每年徵收牙稅銀五千餘兩解送戶部貯庫
今以修城之費請討前銀似爲便益緣由覆呈到臣據此
臣會同巡按御史傅孟春議照河西務乃

國家漕運咽喉商賈輻湊重地往往偵報虜情動以番延張
家灣河西務爲言誠如兵部及巡按等衙門先後建議所
云今舊城逼臨水患衝嚙無餘移建新城于高阜去處信
爲得策但前項創建工程頗爲重大目今武清縣見在修
城一切物料夫力多取給於河西務地方則該務戶民似
難重派夫役其彼處商賈雖云衆多但旣令其捐資又難
復責其供役至於相隣州縣俱被水災衝刮廬舍坍塌城
池方自行修理不暇似亦未遑及於該務查得先年修築
張家灣城工議動

帑銀仍請發班軍一枝前來協助始能竣事今該務之工不
減於濟城而河西人力又半奪於武清所據該道議請班
軍一節似不容已又查通州叅將見領軍兵一枝而河西
務一帶漕河正其巡緝之地且該管旣已免其戍邊相應
借以脩城其合用錢糧該道議處頗詳但虜衆臨城非高

堅終不可恃今沿邊城堡并良鄉等處俱高至三丈以上
所據該務城垣比之初議仍當加高五尺共高三丈約增
工費銀二千餘兩且該道所議止及磚灰一切木鉄等料
及匠作工食等項俱未議及又當加增銀二三千兩連前
約共用銀一萬五千餘兩况近

京地方盡罹水患禾稼既傷物價必踊而該道所權會尚在
未災之先則臨時所費尚未可知也合無

勅下該部再加詳議乞撥班軍一枝并通州官兵一枝前來併
力修築期在一年之內完報仍量給行糧就於通倉附近

關給合用錢糧除勸借商民銀七千餘兩外督將惠四

年該務稅課司牙稅銀五千兩准留本務修城應用如仍
不敷容臣於解刺脩城等項銀內湊之一切調度工程稽
查錢糧等項事宜聽臣督同該道委官分投幹理候工完
之日備將脩過城垣丈尺用過物料夫役錢糧數目造冊
奏報仍聽巡按衙門覈實有功誤事人員徑自具
奏施行

隆慶四年七月十九日

謝

恩疏

隆慶四年七月十四日准吏部咨爲給由事該臣具
奏三年考滿給由本部覆議題奉

聖旨劉應節陞都察院右副都御史照舊巡撫寫勅與他欽此
備咨到臣臣謹欽遵望

闕叩頭謝

恩照舊管事外伏念臣猥以非材謬膺重寄受

命以來雖勉脩常職深以無能稱塞萬一是懼茲當奏績誤蒙
加恩臣敢不益勵初心期全晚節誓殫犬馬之忠少効涓埃之

報臣下情無任感激屏營之至

隆慶四年七月二十二日

片議徵解站銀事宜以蘇困苦

據霸州道兵備副使蔡可賢呈據保定縣站糧大
濟等連名告稱本縣原編協濟涿州遞運所站糧銀八
兩潞河驛銀五百一十五兩分爲四季赴府交納往返五
百餘里倘有踈虞身家難保乞將銀徑解該州轉給各驛
遞庶彼此兩便等因又據涿鹿等驛馬頭朱朝相等連名
告稱本驛路極衝繁所有原編協濟并南馬銀兩舊規徵
解府庫收貯各驛赴府領支往返守候情苦萬狀告乞各
處嚴徵徑解本州轉給本驛等情具呈到臣卷查先該巡
撫都御史徐題稱順天所屬州縣驛站銀兩各道分屬

不一責成未便要着落順天府堂上治中一員專為管理
等因已經遵奉

欽依通行遵照去後今據前因臣會同巡按御史傅孟春看得
順天府屬站糧銀兩舊規解府轉發驛遞領用其法本善
但邇年以來治中未必皆賢而衙門吏書又鮮良法於是
解納人戶及領銀頭役徃徃苦被刁難因而多方打點比
站銀到驛則扣計所費固已去十之五六蓋為弊已久節
據各道議呈將銀免行赴府徑解有驛通州縣以時給領
臣等亦節經批允竟爾掣肘難行今霸州道復有前議按
之事體委為穩便或不獨該道為然而薊昌密雲等州縣
事體皆同相應一體題

請伏乞

勅下該部再加查議合無仍行臣等轉行各道通將順天府所
屬州縣驛遞站糧銀兩照依霸州道所議不必解府惟令
分為四分限以四季徵解每季初旬照數印封差人齎文
赴該管兵備道掛號即時給以限票着落有驛州縣正
官當堂監散各驛遞領用不必貯庫致滋弊端但將解過
銀數申報該府知會其南馬銀兩仍解府掛號亦轉發州
縣依時散給各該州縣及驛遞衙門各登報循環申送臣
等及該道查考再照天下之事可已者無樂於紛更勢極

者不嫌於遠變自

待節之制不信於四方而乘傳者日益冒濫其在畿內驛民之
罷病尤棘焉緣編頭正戶率多良弱之民力既難以自役
不得已而雇倩游食之徒口使用之繁勢必至於多索
計今站糧之計亦宜從寬石門等驛上馬一匹私費銀
至二百九十餘文失今不處害將何極查得真保一帶
及山西山東諸省驛遞衙門但括銀在官從雇役之法一
時民情翕然稱便今順天府屬似應倣而行之大抵雇役
之法不可行於有司必可行於驛遞彼習見官府熟識

清過客亂難以或脅

無私控之苛

者但恐有司無一不徵一遇公使必承而至於必宜

辦負息日深則遷逆者衆矣合無容臣等督同各道嚴行
所屬州縣將額辦站糧及時追徵依期解納屆驛前八
應人役酌量也里之午僻以為給市之多事務令情願不
致強迫其各該協濟州縣若徵解後期許將庫內別項官
銀暫行借給仍每年終聽兵備道查將有司站糧完欠分
數分別應獎應戒緣由恭呈到臣以憑施行彼役既不苦
於多門冗費之難而又獲及時領銀之惠則契役有終事
體可又察邇

替載之民當均坊更生之慶矣乞

勅該部併議施行

隆慶四年十月十六日

